

## हुई सफल कमाई महाराज भरतरी थारी

हुई सफल कमाई महाराज ,  
भरतरी ओ थारी , भरतरी थारी ।  
मालिक रे कारण जोग फकीरी धारी ।  
ईश्वर रे कारण जोग फकीरी धारी ॥

राजा सूतो महल रे माँय ,  
तृष्णा जागी , तृष्णा ओ जागी ।  
ज्यां ने मिल गया गोरख नाथ ,  
भरमना ओ भागी  
हुई सफल कमाई ।

राजा गयो जंगल रे माँय ,  
दे रयो हेला , दे रयो हेला ।  
ज्यां ने मिल गया गोरख नाथ ,  
मूड लिया चेला  
हुई सफल कमाई ।

राजा जावो शहर रे माँय ,  
दे आवो फेरी , दे आवो फेरी ।  
पिंगळा ने कहिजो मात ,  
करो मत देरी ॥  
हुई सफल कमाई ।

राजा गयो महल रे माँय ,  
दे रयो फेरी , दे रयो फेरी ।  
भिक्षा घालो पिंगळा मात ,  
मत करो देरी ॥  
हुई सफल कमाई ।

राणी खड़ी महल रे माँय ,  
लटिया तोड़े , लटिया तोड़े ।  
राजा एक दिन पकड्यो हाथ ,  
प्रीत काँई तोड़े ।  
हुई सफल कमाई ।

राणी खड़ी ड्योढी के बीच ,  
कळप रही काया , कलप रही काया ।  
थारा मरजो गोरख नाथ ,  
राज छुड़वाया ॥  
हुई सफल कमाई ।

राणो मत दे गुरुने गाळ ,  
करम रेखा न्यारी , करम रेखा न्यारी ।  
म्हारे लिखिया विधाता लेख ,  
टरे नहीं टारी ॥  
हुई सफल कमाई ।

एक सोहन शिखर रे बीच ,  
सांकड़ी सेरी , सांकड़ी सेरी ।  
ए गावे जरणानाथ ,  
भजन रा ओ लहरी ॥  
हुई सफल कमाई ।

<https://bhajanganga.com/bhajan/lyrics/id/36271/title/Hui-safal-kamai-maharaj-bharthari-thari>

अपने Android मोबाइल पर [BhajanGanga](#) App डाउनलोड करें और भजनों का आनंद ले |